



الهيئة العامة لقصور الثقافة
إقليم القنطرة وسيناء الثقافي
فرع ثقافة الإسماعيلية

من ليالى التزييف والموت

شعر

السيد عباس

من ليالى النزيف والموت
الطبعة الأولى : ٢٠٠٢
صادر عن :
فرع ثقافة الإسماعيلية

لوحة الغلاف والرسومات الداخلية للفنان /
ظريف عجيب



الهيئة العامة لقصور الثقافة
إقليم القنطرة وسيناء الثقافي
فرع ثقافة الإسماعيلية

هيئة التحرير

مدير عام الثقافة
محمود المنير

الخدمات الثقافية
جيهان دياب

مدير التحرير التنفيذي
جمال حراجي

المستشارون :

- ١ - عبد الحميد البسيوني
- ٢ - أحمد على مطاوع
- ٣ - د/ عبد الرحيم محمد عبد الرحيم
- ٤ - د/ طاهر محمد الهادي محمد
- ٥ - د/ عبد اللطيف عبد القادر على ابو بكر

المراجعة :

أبراهيم محمود محمد عوض - خالد صالح على


إهداء

إلى من رحلوا
وظلت أرواحهم معلقة بى
أبى/عمى/جدتي
ورأى من هم دائما يدفعونني للأمام
أمي/أخواتي/زوجتي
أبنائي..
أصدقائي
لكم جميعا أهدى قصائدي
السيد عباس


ختمية

أقري الفاتحه على روى
واتشاهدى فى سرك
لحظة ما أتمخصك
- فرعون
متربص لطفلك المولود
خايف ..
تتحق نبوءة العرافه
واليم يا أمى
ح- ياخذنى لباب الهلاك
لا أختى ح- تعرف طريقى
ولا أنتى ح- تكونى المرضعه
هامان ...
هيجمع كل السحرة عشانى
واحتار لما أرمى عصايتى
تأكلها حبالهم !!
من خوفى ساعتها
راح اشق البحر واهرب

وأنا عارف
إني أكيد في البحر ح أموت
ما أنا اصل مصيرى عرفته
من قبل ما اخطى بروحي
حدود الدنيا
يا أموت بالسكته
يا أما الحسرة
وبرضه ح أموت



من خلف ألوان الشيطان



بندول الساعة كان بيلف
وعيونى كانت ميت بندول
أركان الغرفة
كانت بتقولى
الميه البيضاء فى ننى عنيك
وأنا وأفكارى الممدوده
مرة ينهدى ، وألف نثور
وأبويا من قلب البرواز
عيونه
كانت بتحذرنى
بتلفت نظرى للكر اكيب
المسكونة بشبح الليل
الراقد ورا تسريحة قديمة لأمى
من غير حركة ، من غير صوت
كانت عينه المفتوحه
بتسجل حتى الأنفاس
وعينه الثانيه


كانت نايمه تحت القشره ومتخيفه
وأنا مربوط بحبال الخوف
ومحاصر من كل مكان
أفكاري التأثيره ..
ببتمرد وبتعلن رفض وعصيان
وعيونها ، وفاطمة ، وقلب محمد
كانوا يقولوا لأه بلاش
سيب الفكره اللي مآلماك
وارجع خلى البسمة تعود
وبرغم عيونه وعيونهم
خرجت من راسي الفكره
واترسمت على ورق الكرّاس
قرب هو خطف اوراقى
قلب فيها شمال ويمين
فجأه أتبسم ..
وكلامه اصبح مش مفهوم
بعد ما بلغ واحد غيره

إنه خلاص ..

ح يقوم ويفوتتى

اكن أناس بكتب ..

بالمقلوب ..



حالة بعث مؤقته

ما بين الصورة ، وبين الأصل

ودمى الراكذ ف الشريان

لسه بعيش ف إطار مشروخ

وبدوخ ..

إكمنى بصدق لون الحيط

ف الضل

بتغرب جوه عيون الرؤيا سنين

أعود مرصود ..

على رهبة جدى الساجد للفرعون

اشتاق لعصاية موسى تشق البحر

ولأرض بتمضغ كنز قارون

- مجنون

طول عمرى بخاف

من كهنة بتسرق حلمى

باسم الشمس

وأمون الزارع يأسى

قلب سنين العمر

مليت

طلبت بعيونى من البرواز ما لقيت
غير مؤمنه بتصرخ جوه تابوت

فين رع

فين رع .. (ح تموت)

وهياكل طاله من البتارين

بتقول للصرخة تبطل دبح

وبتشدد سطر البعث الغافى

جوه ف حلق - كتاب الموتى

" أنوبيس "

أتعاطف لحظه وقال :

" للمره الأولى أتمنى إنها ما تجيش "

لكن عزازيل بيخربش روحها

مُصّر تغيب ..

طعم حلاوة الروح أتمرر

صمت

والصمت استرسل فى التعاويذ

مع ان فوقيه كات ضحكة ست
بتملى فراغ السقف الهاير م الخيانات
وايزيس بتشد الشيش عن منظر
جوف النيل
يمكن تلمح ليد " ايزوريس "
أو " حورس " ..

- وهم -

- حورس وهم

بيصحى الصيف ف برودة الجو

جرانيت الصبر بيتاوب

على قولة حورس وهم

مساخيط الماضى بتتضخم

وبتكتب على بلاطات الخوف

بحروف بتجسد كلمة


مارد ..

وسبايك العند بتجذب

كل التبر الهائم فى السراذيب

شديت حجرين العين للداخل
لما آدان الضهر أتنسلل م الشبابيك
بيحاول ينغز كل خلاق بيت الموت
أنا نمت ..

ف منامى لقيت الرؤيا
بترسم نار بتضم ف متحف شمع
ك ب ي ي ي ي ي ي ر



لسانك يتعلم بالسراج

وانت ماشى
على أول طريق المجره
لفظك رصيف الفضا
ما بين هلاوسك
وجنون المدار
وقت ما كانت عينيك متشعلقه
بحبال غسيل أمل الكواكب
ف الهروب
كانت بترصد
كل همسات النيازك والشهب
كانت بتلمح
صدى نظراتها القديمه
ف السدوم المصره على الحياه
وقت اغترابك ف المراقبه الموعسفه
حسيت برغبه فى النواح
لقيت حاجات..
بتكلبشك..

وبتَحْبِسْكَ

جوه ضريح الأزمنه

مستى دورك ف الطواف

حوالين زمن

ما اخدش دوره من الزمن



اُنا ڪٿي بهاول

ولقنتى بجمع روحى
وأدارى ما بين كراكيب الكون
بهدوء
بتسربسب على جذران الخوف
- ملهوف -
كنت بحاول أفتش جوه بقايا الروح
عن أي وميض
كنت بحاول اخلع موتها
من التجاويف
وارسم على طرقاتها حياه
ولأنى بطبعى بخاف من روحى
وأخاف
ما قدرتش أتعتع منها الكهل
فتشت ف قلب نسيج العقل
عن أي خيوط بتكون فكره
تعيد النبض
ولقنتى بقلب ف التلافيف

عن أي دبيب
وبسافر في الشرايين للقلب
الراقد تحت ركام الروح
كان خوفي مولد رعشه
والرعه بتضغط على جدران الصمت
ف وقت ما كان الصمت
بيفرض نفسه على الصمامات
- ' أنا كنت بلملم نفسي
واجرب كل وسيلة •
تكون نهايتها خلاص " -

فخرجت لقاع العين مشتاق
لشعاع الضوء حتى لو كان
ع الننى مجسد الإنكسارات
وأكمنى وصلت ف وقت ما كان الجفن
بيسدل شيشة الحالك ع الألوان
ولأنى غرقت ف بحر الجسم
ما قدرتش اهرب م الصندوق.

بين السطور

كان الكلام متغمى
بحروف بتشبه حلمى القديم
رغم جهلى بالقرايه
إلا إنى كنت فاهم للرموز
قادر أفسر أي شفره معقده
كأنت رسالة لى أنا
بيقول كلامها على الورق
احضر قوام عندى هنا
اختصر كل العصور
وموقعه باسم المبجل " إخناتون "
لقتنى سابح ف الهوا
والغممة ..
ماسكه لسانى بشك موصول باليقين
فجأه !
لقتنى ف قلب فجوه معتمه
بنزل لتحت
تحت ..

تحت ..
وعيني شايفه ف البعيد
طاقه من الضوء القديم
عماله تظهر / تختفى ..
فجأه لقتنى ف حضرته
بعد التحية والسلام
سقف جنابه للخدم ..
بدأت مراسم الاحتفال
وبعد حرى واندھاشى
عرفت إنى ف أختاتون العاصمة
والعاصمه متزين ..
من شمالها للجنوب
بمناسبة العيد الثلاثينى الخطير
كانت المسلات القديمه
بتشق أسراب السحاب
كلها كان لرنها واحد
هو لون الضيف (آتون)

ع الأرضفه ..

لمحت ناس مترصصين

شكل ملامحهم غريبه ..

كانوا بيشاغلوا البخور

فجأه شاور " إخناتون "

بصوابع الإيد اليمين

قال لى دول كهنة آمون

متكرين وسط الحشود المؤمنه

قال :

بعدها بلهجة مليانه اكتباب

" انا زهقت م الزحمة ..

فهيا "

خدنى ومشينا لحد كورنيش الحياه

فعدني على قهوة تحوت

وطلب لنا كاسين نبيذ م القديم

- ماركة خنوم

والمزه كانت حنطة دهبى مملحه

بدأنا ندخل ف الحوار المرتقب
لما سألني وقت انبهاري بالجمال
عن رأى فى الدين الجديد
وما بين تردد وارتيابك
حاولت أرتب ف الكلام
واعبر بروحى من متاهة الأجوبه
بصيت بعينى للحرس
الملفوفين بسيوف كثير
وغرقت جوه التهنه
رديت بأنه شئ جميل
وف علقى قامت معركة
اكمنه رافض للرياء
ما انا أصلى شفت (الخيتا)
واقفه على الحدود متجهزه
ولقتنى بصرخ ف الملك علشان يفوق
من غير حذر أو حتى خوف وبحذره
لو ماحو غمض يوم عينيه

كهنة أمون متربصة


عشان ما تمحي دولته

- من بين سجلات الوجود -

وصحيت على حد السيوف

بيشق أحشاء اللحاف

وأنا بتنفض



استنساخ

ومشيت ف الشارع ..

- وأنا مخنوق -

سرحان ف الدنيا وف الملكوت

وصحيت ..

على جرسون القهوه

بيطلب لى الشاى ..

ولحلمى الشيشه وصاياه

معزور

كان فاكرا ابنى زبون بصحيح

شديت بأيديه الكرسي

- الشايل كل هموم الناس -

وقعدت اقلب ف الجرنال

قريت ..

أخبار البورصة ،

وحالة الجو ،

وكام إعلان لوظايف خاليه

رهقت ..

بصيت ف عيون الناس
القاعدة تبص على
لقيتهم صورہ بالكربون ..
لجانبى .

معادلة مختلة

ف دروب الأرض ...
الخارجة عن المؤلف
ممزوج الخوف بعبير الحلم
المسجون ف الدهاليز
مقتول النبض ف كل وريد
بمحاول مره يشق طريق للرمز
الرمز ..
المسبى فوق أنفاق الوهم
وفحيح الحيه ف كل مكان
من غير أحكام ولا حتى قيود
بيدمر أي خلية تفوق
ممنوع على نبت الأرض
يمد جذور للداخل
مسموح له يكفن روحه بروحه
ف وقت الموت
اكنه يحلم
انه يضلل فوق البيت بفروعه

ويجمع كل طيوره الشارده
على الأغصان ..
يتفاجيء إن الدود قطعان
بتخور جوه البيت والغيط
كان لازم تنهش جوه نخاعه الأخضر
لجل ما تمحى الفكره
- الطارحة جوه عيونہ -
ولكنه برغم بشاعة الدود
بيعيش ..
مع إنه يا دوب
لسه بيتهجى سنينه .



لو تگسری خوفی

أنا لى قلبه م القلق
والخوف علىكى بيرتعد
يا معلماتى التوريه..
ومرضعاتى الاتكسلر
يا رافضه بى انظلم
وعاشقه فيا الاتشطار
ما بين عيونك والى خان
الكيان ملين شروخ
وجذور مسافره للعدم
عمال الملم فى الكلام
واغزل قصايد للأمل
ألقي النسيج ببشر خوف
والأفكيك لسه بتحلمى
بالشمس تشرق م الغروب
والأرض تحضنها السما.
يا مقايضه موتك بالحياه..
وعاجزه عن فك الرهوز

The following information is provided for the purpose of the
 assessment of the risk of the proposed project. The information
 is provided for the purpose of the assessment of the risk of the
 proposed project. The information is provided for the purpose of the
 assessment of the risk of the proposed project.

* * * * *

Page 1 of 1

Page 1 of 1

Page 1 of 1

Page 1 of 1

هوية

رتب كل بنات أفكارك
قسم روحك ع الأيام
وافتح كل أبواب الحلم
بروز نفسك جوه البسمه
وان ما قدرتش حاول تانى
من إحباطك تخلق طاقه
طاقه تفجر بيها العالم
اللى بيسخر من فلسفتك
واللى بيهتف انك خارج
- ايه هيفيدك لو ما خرجتش -

ايه هيفيدك لو خيلتك
قاعد تحت السقف الهاير
(أسال أول بنت تقابلك
عن أحلامك ليه بتغيب)
أسال غيرها..
وغیرها
وغیرها

أسال لما يموت الصوت

اوهم نفسك انك قادر

تخرج بزه حدود الدايره


لما محيطها بشده يضيق

سافر ويا النسمه لبكره

وارسم نفسك على أوراقه

أنا متأكد انك تقدر

تقلب كل حروف الآية.



حنين

(أ)

أول حرف من أسمى واسمك
وأول خطوه لروحي في الحياه
كانت في حضنك
أنا وأنتى نفس الملامح
رغم اغتراب الزمن جوه المسافه
تلاقينى باقى على عشقى ليكى
ومنتظر لحظه ما أعود ثانى
لبداية بدايتى.

(ج)

لساکی زی ما أنتی

بس إحنا بعدنا عنك من زمن

وافترقنا عن صحابنا

وعن بیوتك القديمه

لسه فاكر شط بحرك

والمراكب رایحه جایه

شایله صید الصیادین

لسه فاكر یا حبیبی

كل شارع من شوارعك

كل ناصیه وكل حاره

(م)

مسيرى أرجعلك ف يوم
زى المراكب اللى فاردة قلو عها
على صفحة بحيرتك
شايل ذكرياتى الكثيره فى خيالى
وفاتح شراع القلب لنسيمك .

(ط)

طمئني يا حبيبتي

لسه ناسك هما ناسك؟

الوفا والصدق فيهم

ولا حال الدنيا غالب

والولاد اتغيروا

نفسى أعرف كل حاجه

وألقى صورتك

- هي / هي -

رغم دوران الحياه

أصلى عاشقك زى ما أنتى

يوم ما فتك من زمن

قلبي رافض يوم يشوف

فيكى حاجه اتغيرت

(ر)


رسام بريشتى
بارسمك واحد الالوان
على ذوقى وذوقك
ما انا اُصلى عارفك كويس
وعارف ايه بيرضيكي
يا صافيه ذى البحيره والسما الزرقا
ف عيد رييعك بنتجمع ف " ابن سلام "
ونرسم ع الوحوش بسمه
تردها القلوب غنوه
ونرجع تانى لبيوتنا على المركب..
تقابلينا بالأحضان .

(ى)

يا قبلة قلبى ف صلاته
انا ليكى واخذنى الشوق
على مرجحة الأفكار
بيرمينى ف لمة صيادين بحرك
وبرتحاك..
وافتحاك
شباك الماضى وتتقى جواهر قصتى
العايمه ما بين الحلوه والمالحه
وأفوق م الحلم الأيقنى بعيد عنك
ومش شايفك
ولا طایل اضمك لى لو ضمه
ما انتى الوحيده..
ف قلب العالم الدنيا
اللى ليها الحق فى
لو نطقت وقلت يا أمه .


(٥)

هنتجمع أنا وأنتي
أكيد لو حتى ف الأخرة
بس فيه حاجة بسيطة
يارتني اضمن الجنه



۱۲ تشاف

الزمان اهو دار على
انشغلت بحبي ليكي
شلت عشقك جوه روى
لما فاض بى وبقيت
زى بركان بس خامل
نفسه مره ف يوم يثور
وانت طبعك هو طبعك
مستحيل ح تغيريه
كل ما أقيدك شموع
ألقي غدرك يطفئها لى
وأما احلم بيكي يوم
جيه يمي تحتويني
ألقي حلمي كان كابوس
والحقيقه انك غريبه
اللى بايعك تعشقيه



أرتجاج

امسك دماغك بين أيديك
واضحك على نفسك لحظة ..
خروجك كل يوم الصبح

- من نص الحكاياه

ودماغك متبرمجة ع اللي أنت مش عايزه
افتكر أيام كتير عدت
وأنت بتستنى
وأيام كتير جايه
ومفيش جديد

اسأل عينيك عن صورتك المقلوبه
- ف آخر الكدر -

مش واضح للبنى
تعرف بأنك وهم مش اكتر
وحتى الضحكة مش ملك
رجع دماغك تانى لماكنها
وحاول تقرا أفكارك
ولا أقولك ..

عندى فكره

اخلع دماغك واحذفها

بأول قرن يقابلك

ما أنت مؤمن ..

النار لا يمكن تحرقك

وانتظر لحظة خروجها

اسألها سؤال واحد

حست بأيه

وهى بتغير جلد ها ؟

وأنا ماشى ..
ف نفس السكه
اللى بعدى عليها يوماتى
ما كنتش شايف غير روى
مع ان الشارع كان مليان
بحكاوى الناس
عن ناس من كوكب تانى
جايه تزور الأرض
كات روى بتهرب منى
وتسمع ليهم
مع انى كنت بحاول أسيّد ودانها
عشان ما تشفش
وخيالى بيشطح بىّ لفوق
وباشوف كائنات ..
أشكالها مخيفه
فاغمض عيني بكل هدوء
واركز بس يا دوب فى طريقى

وروحی

فانتنی

وَقَعْدَتِ وَيَا النَّاسِ

تَسْتَنِي

مستحيل تانى اعود

يا مغرباني ف الطرق
ومسلماني للسراب
يا موزعاني ع الزمن
ف ثواني ترفضها السنين
انا عمري كان
ف ايديكي ورده منبته
ف العام بتطرح ألف عام
وف ليل عيونك ..
نبض قلبي كان قصايد
كان بيوت
وأنتي ليه رغم اتشغالي
برسم صورتك فوق جدار الأمنيات
لملمتي كل خيوط غرامي
من ورودك ف الربيع
ورحلتني ويا نجم تاني
انخدعتني بزيف بريقه المستعار
واما باعك راجعه لي بتسألي

عن مكانك بين ضلوعى

يا حبيبتي ..

الحب مات .

سعاد ..

وأنا راجع من شغلى

تعبان متكسر ..

رجلى يا دوب شايلى

فأحاول اقعد فوق الكرسي عشان ارتاح

يتلموا على ولاد الأيه

واحد يقعد فوق رجليه ويتمرجح

والثانى يمد أديه ف جيوبى

فيطلع منها ملابس

يتلموا أخواته عليه ويفرق

والبننت تقولى :

يا بابا بتسبنا الصبح وتخرج

ترجع آخر اليوم تعبان

فأحاول اشرح ليها بكل بساطه

مع إنى مش طابق حد يكلمنى


ومتضايق ..

مش طابق حتى هدومى

الآقبنى غرقت ف نوبة ضحك

لما أحس بأن سعاد بدأت تحضنى

وفتحت باب البوس لأخوتها



لما ينشق الزمان

لو كنتى جوايا هنا
كنت أقول فيكى كلام
ما انكتبشى لحد غيرك
كنت اغزل نبض قلبى
شال يزىلك جبينك
كنت أزرك طريقتك تمر حنه
وافرشولك بالمحبه والمحنه
صدقينى ..

لو كنت جوايا هنا
كنت أقيد العمر عشائك ألف شمعة
ولا كنت أبكى وف عيونى تجرى دمعته
إلا لحظة ما تقوينى
النهارده زارنى طيفك
شمس بتزور النهار
حس قلبى بالدفى
قام بسرعه وفات ضلوعه

يجرى يمك يحضنك
ورجلى متحنى بدموعه
لما طيفك اختفى
بصيت لصورتك ع الجدار
حضنتها برموش عيونى والجفون
لقيتها لسه معطره
بلون عبيرك وابتناسامك
ولمحت صورتى ما بين عيونك
وقت أيام الصبا
وعرفت إني كنت قاسى
وكنتى أنتِ الطيبة
أتمنيت من كل قلبى
لو تعودى تانى ليا
لجل ما يعود النهار

خزبه

ف دنيا بتشبه الآخره
يتوه المعنى فى كلامك
وبعيتك تموت الناس
فتتكسر ع الطرق روحك
ويتسرب دم شريانتك على الفاضى
ما يرسمشى ولا صوره
فتغرق جوه تفكيرك
وتتندم على انك بقيت ورقه
ما بين غلاطين من الماضى
مركونه ..
ومجهوله ..
تصرخ والفضا ياخذ ،
بقايا الحس ما يردش
فترجع تانى للتومه
متعرفشى لفين واخداك
ولا أمتى يفوقوا الناس
من نومك .

21 بوس

من أول ما تبان الرؤية
ويهل علينا هلاك
يتحول كل القطر طوارئ
يا نموت ..
يا نبارك ..
مع انك سائن شمسك فوق رقابينا
وعارف أمتى يتم الحرق
بتكذب روحنا ونمشى وراك
نفتحك كل مكان مقفول ف الجلد
نعرق ..
وحرارتك بتخلي عرقنا
يسيح فينا القلب
فتمشى والدم بيتقطر منا
كأنه عرقنا - لأ هو عرقنا -
الدم عرقنا المزوج بعفار السكه
وكذا مشوار ف طريق مقفول
للبحر ..

أو حلم عبيط بشوية ضل
فنحاول نفتح شبابيكنا
ونهرب منك حبه
تسلط أنت علينا كل ناموس الأرض
الرايض جوه جيوبك
وأهو حتى التلج النائم فوق
مش راضى يغمى الشمس ولو لثوانى
عشان نتجمد تحت
فرحان بعروقنا النازفه
لآخر نقطة ف قلب الكون الهو
أرجوك ترحمنا
وتبعنا لينا المدعو شتاء
يا صيف الحياة ملعون ..
يا سيف الحياة ملعون ..
دا لأنك سائن شمسك فوق رقابينا
وعارف أمتى يتم الحرق

الفهرس

٧	١. حتمية
١١	٢. من خلف ألوان الحيطان
١٧	٣. حالة بعث مؤقتة
٢٣	٤. لسلك يتعلم بالسراب
٢٧	٥. أنا كنت بحاول أهرب
٣١	٦. بين السطور
٣٩	٧. إستساح
٤٣	٨. معادلة مختلفة
٤٧	٩. لو تكسري خوفك
٥١	١٠. هوية
٥٥	١١. حنين
٦٥	١٢. إكتشاف
٦٧	١٣. إرتجاج
٧١	١٤. غموض
٧٥	١٥. مستحيل ثاني أعود
٧٩	١٦. سعاد
٨٣	١٧. لما يشق الزمن
٨٧	١٨. غربة
٩١	١٩. كابوس

٢٠٠٢ / ٧٢٤٩

رقم الإيداع

